

Godišnji program rada
Okružnog suda u Trebinju
2021 – 2023

SADRŽAJ

A. Uvod	3
1) Mandat, misija i vizija Okružnog suda u Trebinju	4
2) Sažetak analize strateškog okvira	5
3) Sažetak prioriteta za plansku godinu, kao i procjene mogućih problema i rizika u realizaciji;.....	7
4) Analiza unutarnjeg i vanjskog okruženja u kojem radi sud (SWOT analiza)	9
B. Pregled strateških ciljeva	10
C. Trogodišnji ciljevi i aktivnosti po strateškim ciljevima	12
D. Godišnji plan rješavanja sudskih predmeta.....	15
.....	Error! Bookmark not defined.
.....	Error! Bookmark not defined.

A. Uvod

Godišnji program rada Okružnog suda u Trebinju je instrument koji se koristi u cilju planiranja projekata i aktivnosti, utvrđivanja prioriteta efikasnom raspodjelom resursa, te prati napredak u odnosu na utvrđene strateške ciljeve i prioritete, prvenstveno u okviru strateškog plana VSTV, mišljenja i smjernica EU koji se odnose na pravosuđe u BiH.

Program rada Okružnog suda u Trebinju za 2021. godinu predviđa realizaciju zadataka i poslova iz obavljanja sudske funkcije u granicama nadležnosti koje proizilaze iz Ustava BiH, Ustava Republike Srpske, Zakona o sudovima u Republici Srpskoj, Zakona o Visokom sudskom i tužilačkom savjetu BiH, te drugih zakonskih i podzakonskih propisa kojima se reguliše nadležnost sudova. Ovim Programom rada osiguravaju se uslovi za blagovremeno, efikasno i kvalitetno obavljanje poslova iz utvrđene nadležnosti suda.

Poslovi i zadaci Okružnog suda u Trebinju zasnivaju se na principima i načelima poštivanja ustavnosti, zakonitosti, te samostalnosti i nezavisnosti u radu.

Osnovni zadatak Okružnog suda u Trebinju u 2021. godini biće nastavak održavanja ažurnosti postignute u prošlom periodu u vezi svih poslova i zadataka u okviru nadležnosti suda, poboljšanje kvaliteta rada ili održavanja postignutog nivoa efikasnog izvršavanja svih poslova i zadataka koji proizilaze iz zakona i drugih pozitivnih propisa. U svom radu sud će davati prioritet u predmetima i postupcima koji se po zakonu smatraju hitnim. Sud će striktno postupati po planu rješavanja predmeta, kao i do sada. Pratiće se broj predmeta na upravnom referatu i predmetima ratnih zločina, te učiniti da na tim referatima dođe do potpunog smanjenja broja neriješenih predmeta. Takođe će se poboljšati transparentnost rada suda.

Pri ostvarivanju postavljenih zadataka od strane zaposlenih u sudu zahtijevat će se odgovoran i profesionalan odnos prema radu i sredstvima rada uz maksimalne uštede i racionalno korištenje odobrenih budžetskih sredstava.

Na realizaciji Programa rada Okružnog suda u Trebinju neposredno će raditi sudije ovog suda sa predsjednikom suda. Takođe će na realizaciji Programa rada učestvovati i ostalo administrativno osoblje, kao i stručni saradnik Okružnog suda u Trebinju.

1) Mandat, misija i vizija Okružnog suda u Trebinju

Mandat:

Nadležnost Okružnog suda u Trebinju je uređena Zakonom o sudovima Republike Srpske ("Službeni glasnik Republike Srpske", broj 37/12, 14/14, 44/14, 39/16 i 100/17). Prema čl. 31. ovog Zakona Okružni sud je stvarno nadležan:

- Prvostepena nadležnost

a) da sudi za krivična djela za koja je zakonom propisana kazna zatvora 10 godina ili dugotrajni zatvor, ako zakonom nije određena nadležnost drugog suda;

b) da postupa u toku istrage i nakon podizanja optužnice u skladu sa zakonom;

c) da sudi za krivična djela za koja je Sud Bosne i Hercegovine prenio nadležnost na okružne sudove i

d) da odlučuje o svim upravnim sporovima i to prema sjedištu prvostepenog upravnog organa, kao i o zahtjevima za zaštitu sloboda i prava utvrđenim Ustavom, ako su takve slobode i prava povrijeđeni konačnim pojedinačnim aktom ili radnjom službenog lica u organima uprave, odnosno odgovornog lica u preduzeću, ustanovi ili drugom pravnom licu, kada za zaštitu tih prava nije obezbjeđena druga sudska zaštita.

- Drugostepena nadležnost

a) da odlučuje o žalbama protiv odluka osnovnih sudova;

b) da odlučuje o drugim redovnim i vanrednim pravnim lijekovima, ako je to određeno zakonom.

- Ostalo

a.) da rješava o sukobu mjesne nadležnosti između osnovnih sudova sa svog područja u skladu sa zakonom;

b.) da odlučuje o prenosu mjesne nadležnosti sa jednog osnovnog suda na drugi osnovni sud na svom području;

c.) da odlučuje o brisanju osude i prestanku mjera bezbjednosti i pravnih posljedica osude, na osnovu sudske odluke;

d.) da postupa po molbama za pomilovanje u skladu sa zakonom;

e.) da rješava o priznanju odluka stranih sudova, stranih trgovačkih sudova i stranih arbitraža;

f) da pruža međunarodnu pravnu pomoć u krivičnim predmetima;

g) odlučuje o pravnim lijekovima protiv odluka svojih vijeća kada je to zakonom određeno;

h) vrši druge poslove određene zakonom.

Misija: Okružnog suda u Trebinju je vršenje sudske vlasti samostalno i nezavisno u okviru djelokruga iz nadležnosti određene zakonom, usmjerena na daljnji razvoj profesionalnosti, nezavisnosti, nepristrasnosti i efikasnosti pravosuđa, te teži usvajanju najviših evropskih standarda, ali i očuvanju tradicije, te postojećih vrijednosti našeg pravnog sistema i pružanje pravne sigurnosti svim svojim građanima i društvu u cjelini.

Vizija: Okružni sud u Trebinju će usmjeriti sve svoje resurse u cilju uspostave vladavine prava, uz punu primjenu načela pravde i pravičnosti, uvažavajući najviše standarde primjene i zaštite ljudskih prava i osnovnih sloboda i koja će steći potpuno povjerenje javnosti.

2) Sažetak analize strateškog okvira

Strateško planiranje je kontinuirani proces utvrđivanja ciljeva i instrumenata za njihovo provođenje, pri čemu se jasno definišu prioriteta i pravci razvoja. Prilikom utvrđivanja strateških ciljeva Okružni sud u Trebinju je prilikom pripreme ovog Programa rada uzeo u obzir sve obaveze koje proizilaze iz zakona i strateških dokumenata relevantnih za sektor pravde i to:

- Ustav Bosne i Hercegovine, Ustav Republike Srpske
- Zakon o sudovima Republike Srpske
- Zakon o zaštiti prava na suđenje u razumnom roku
- Zakon o VSTV
- Izveštaj Evropske komisije za 2020.godinu
- Državna strategija za rad na predmetima ratnih zločina
- Pravilnik o vremenskim okvirima za postupanje po predmetima u Bosni i Hercegovini

Ustav Bosne i Hercegovine sadrži katalog ljudskih prava i temeljnih sloboda koje uživaju sva lica na teritoriji BiH. Ljudsko dostojanstvo, sloboda, jednakost i poštivanje ljudskih prava su osnovne vrijednosti na kojima se temelji EU.

Prema **Zakonu o sudovima Republike Srpske**, sudovi su samostalni i nezavisni od zakonodavne i izvršne vlasti i zabranjen je svaki oblik uticaja na donošenje sudskih odluka. Sudovi u svom radu postupaju nepristrasno i odluke donose u razumnom roku. Niko ne smije uticati na nezavisnost i nepristrasnost sudije pri odlučivanju u predmetima koji su mu dodijeljeni.

Zakon o zaštiti prava na suđenje u razumnom roku ("Službeni glasnik Republike Srpske", broj 99/20) uređuje zaštitu prava na suđenje u razumnom roku, kao i pravo na pravično zadovoljenje zbog povrede prava na suđenje u razumnom roku, koje se ostvaruje u sudskom postupku na način i pod uslovima propisanim tim Zakonom.

Zakon o VSTS kojim zakonom je VSTS obavezan da kao nezavisni samostalni organ ima zadatak da osigura nezavisno, nepristrasno i profesionalno pravosuđe.

Na osnovu čl. 17. tačka 28. Zakona o visokom sudskom i tužilačkom vijeću Bosne i Hercegovine ("Službeni glasnik Bosne i Hercegovine", broj 25/04, 93/05, 48/07 i 15/08) Visoko sudsko i tužilačko vijeće Bosne i Hercegovine je donijelo Uputstvo za strateško planiranje i izvještavanje u sudovima u Bosni i Hercegovini.

Iz Izveštaja Evropske komisije za 2020.godinu proizilazi, da kao ključni prioritet, država treba da usvoji novi Zakon o VSTS i novi Zakon o sudovima Bosne i Hercegovine u skladu sa evropskim standardima, kako bi se postigla veća pravna sigurnost i poboljšalo funkcionisanje pravosuđa, posebno u borbi protiv teškog kriminala. Zakonom treba razjasniti stvarnu nadležnost sudova za posebno teška krivična djela, u skladu sa standardima utvrđenim Ugovorom o funkcionisanju Evropske unije. Ovim zakonom treba predvidjeti i poseban drugostepeni apelacioni sud kako bi se ojačala nezavisnost kod sudskog preispitivanja odluka Suda Bosne i Hercegovine. Edukacija za sudije i tužioce ima nedostataka. Hitno su potrebna

značajna poboljšanja u pogledu trajanja i kvaliteta obavezne edukacije. Njen sadržaj ne treba da bude ograničen samo na pravna pitanja, već i na vrijednosti i profesionalne vještine. Predsjednici sudova i glavni tužioci se trebaju više uključivati u identifikaciju potreba za edukacijom svojih zaposlenih. Broj predmeta ratnih zločina postepeno se smanjuje, međutim procesuiranje ovih predmeta, posebno onih najsloženijih, i dalje je u ozbiljnom zaostatku. Revidirana Državna strategija za rad na predmetima ratnih zločina, čije usvajanje je na čekanju, treba da postavi nove rokove za okončanje svih predmeta ratnih zločina do 2023. godine.

Državna strategija za rad na predmetima ratnih zločina, koja naglašava opredijeljenost BiH da se najsloženiji predmeti ratnih zločina procesuiraju pred Sudom BiH i Tužilaštvom BiH, a da se predmeti koji se ocijene kao manje složeni procesuiraju pred kantonalnim i okružnim sudovima i entitetskim tužilaštvima i pred pravosuđem Brčko distrikta BiH.

Pravilnikom o vremenskim okvirima za postupanje po predmetima u Bosni i Hercegovini utvrđeni su kriteriji i metodologija za određivanje i praćenje poštivanja optimalnih i predvidivih rokova za rješavanje predmeta u skladu sa Smjernicama Evropske komisije za efikasnost pravosuđa.

3) Sažetak prioriteta za plansku godinu, kao i procjene mogućih problema i rizika u realizaciji;

Okružni sud u Trebinju ima prioritet da nastavi sa efikasnim radom, kako u pogledu kvaliteta, tako i kvantiteta rada. Kao i do sada, u prethodnim godinama Okružni sud u Trebinju je preduzimao sve aktivnosti na očuvanju ključnih principa sudske vlasti, nezavisnosti i samostalnosti, efikasnosti, transparentnosti i odgovornosti. Sudska nezavisnost je preduslov za očuvanje vladavine prava i osnovna garancija pravičnog suđenja.

Prioriteti Okružnog suda u Trebinju u narednom periodu su:

- Skraćivanje dužine trajanja postupka u drugostepenim referatima
- Smanjenje broja predmeta na upravnom referatu
- Okončanje postupaka u predmetima ratnih zločina i efikasnije postupanje u takvim predmetima
- Unapređenje transparentnosti rada suda

Rad suda i njegove nadležnosti su definisane Zakonom o sudovima Republike Srpske. Međutim, Okružni sud u Trebinju će nastojati svojim radom doprinijeti ostvarenju sljedećih strateških ciljeva:

1. "Unaprijediti efikasnost suda"

Sud će kroz svoje aktivnosti nastojati doprinijeti realizaciji postavljenog strateškog cilja, a time i jačanju pravosudnog sektora u cjelini.

Ostvarenju navedenog strateškog cilja Okružni sud u Trebinju će nastojati realizovati sljedeće trogodišnje ciljeve:

- Trogodišnji **CILJ 1: Skraćivanje dužine trajanja postupka u drugostepenim referatima**

Cilj je postići da dužina trajanja svih drugostepenih predmeta u građanskom referatu traje najviše 75 dana, kako je i propisano odredbama Zakona o parničnom postupku.

- Trogodišnji **CILJ 2: Smanjiti broj neriješenih predmeta na upravnom referatu.**

Cilj je smanjiti broj nezavršenih predmeta na upravnom referatu, kojih trenutno ima do 100 nezavršenih predmeta, tako što će se predmeti upravnog referata raspodijeliti na još dvoje sudija, jer je do sada na upravnom referatu radio predsjednik suda i dodatni sudija (koji je u avgustu mjesecu 2020 g. otišao u penziju). Trogodišnji cilj je smanjiti broj nezavršenih upravnih predmeta najviše do 40 predmeta.

Trogodišnji cilj suda je postavljen obzirom na njegov mandat, viziju i misiju, te uočene prioritete u narednom periodu kada je u pitanju ažurnost rješavanja predmeta kod upravnog referata. Sud će planiranim aktivnostima nastojati osigurati dosljednu primjenu Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini. Ostvarenjem ovog cilja postiže se ujednačavanje standarda za raspoređivanje

resursa u sudu, koji će omogućiti efikasno, blagovremeno i profesionalno postupanje po predmetima.

- Trogodišnji **CILJ 3: Smanjiti broj neriješenih predmeta ratnih zločina.**

Treći trogodišnji cilj suda je da u okviru svog mandata realizuje postavljene zadatke, a uzimajući u obzir Državnu strategiju za rad na predmetima ratnih zločina, te da u ovom narednom trogodišnjem periodu riješi sve predmete ratnih zločina iz prethodnih godina.

2. "Unaprijediti dostupnost informacija o radu suda stručnoj i široj javnosti"

Sud će kroz svoje aktivnosti nastojati doprinijeti realizaciji postavljenog strateškog cilja. Pozitivna komunikacija sa javnošću temelji se na kvalitetnom i efikasnom radu pravosudne institucije.

Ostvarenju navedenog strateškog cilja Okružni sud u Trebinju će nastojati realizovati sljedeće trogodišnje ciljeve:

- Trogodišnji **CILJ 1: Uspostaviti redovnu praksu informisanja javnosti o ulozi i radu Okružnog suda u Trebinju**

Trogodišnji cilj suda je postavljen da bi bila unaprijeđena komunikacija sa javnošću, te da bi se postigla bolja percepcija javnosti o pravosudnom sistemu u BiH. Ovaj cilj je takođe postavljen i da bi se unaprijedila praksa informisanja javnosti i stepen dostupnosti informacija o radu pravosudne institucije, kao i da se organizuju stručni i promotivni događaji, što će povećati povjerenje stručne i šire javnosti u pravosudni sistem.

- Trogodišnji **Cilj 2: Redovno objavljivati statističke podatke o rezultatima rada suda na web stranici**

Drugi trogodišnji cilj suda je postavljen da bi se unaprijedila dostupnost informacija o radu pravosudnih institucija široj javnosti i medijima.

2. "Povećati stručnost i efikasnost u radu suda".

Sud će kroz svoje aktivnosti nastojati doprinijeti realizaciji postavljenog strateškog cilja. Pitanje adekvatne obuke za nosioce pravosudne funkcije jedan je od dva kratkoročna prioriteta iz Evropskog partnerstva za BiH.

Ostvarenju navedenog strateškog cilja Okružni sud u Trebinju će nastojati realizovati sljedeće trogodišnje ciljeve:

- Trogodišnji **CILJ 1: Osigurati podršku i pomoć Centrima za edukaciju sudija i tužilaca u planiranju programa edukacije i radu**

Predlagati adekvatne teme za edukaciju. Aktivno učestvovati u edukacijama. U fazi priprema godišnjih planova Centara za edukaciju predlagati konkretne teme za edukaciju, imajući u vidu uočene nedostatke u pojedinim oblastima.

Ovaj cilj suda je postavljen da bi se unaprijedio sastav kontinuiranog profesionalnog obrazovanja za sudije i tužioce.

4) Analiza unutarnjeg i vanjskog okruženja u kojem radi sud (SWOT analiza)

SNAGE	SLABOSTI
✓ Stručan kadar unutar suda ✓ Odlična saradnja sa ostalim organima ✓ Odlični uslovi rada u sudu ✓ Zavidni nivo opremljenosti IT opremom ✓ Uspješno rješavanje starih predmeta	✓ Neažurnost web stranice suda ✓ Duže vremensko trajanje rješavanja predmeta ratnih zločina
PRILIKE	PRIJETNJE
✓ Rast prosječne plate u Republici Srpskoj ✓ Pravna regulativa koja definiše oblast pravosuđa u EU ✓ Redovne isplate plata i doprinosa za sve uposlenike	✓ Kompleksan politički sistem ✓ Nedostatak finansijskih sredstava u budžetu za razvojne aktivnosti ✓ Rast broja migranata u BiH, što može dovesti do povećanja broja predmeta u sudovima ✓ Neadekvatnost zakonske regulative koja reguliše borbu protiv korupcije u državi

B. Pregled strateških ciljeva

Naziv strateškog cilja (maksimalno 3-5 strateških ciljeva)	Izvor (veza sa ciljevima iz strateškog okvira)	Program u DOB-u (Upisati broj i naziv programa)	Partneri (institucije sa kojima sud zajedno učestvuje u realizaciji strateškog cilja)
Unaprijediti efikasnost suda	Strategija reforme sektora pravde		
Pokazatelji za krajnje rezultate	Očekivani rezultati po godinama		
	2021	2022	2023
Prosječna dužina trajanja drugostepenih parničnih predmeta u sudu	90 dana	90 dana	75 dana
Broj neriješenih predmeta na upravnom referatu	70 predmeta	60 predmeta	50 predmeta
Broj neriješenih predmeta ratnih zločina	Riješiti 2 predmeta	Riješiti 3 predmeta	Riješiti sve predmete ratnih zločina zaprimljenih prethodnih godina

*Tabela se izrađuje za svaki strateški cilj posebno

Naziv strateškog cilja (maksimalno 3-5 strateških ciljeva)	Izvor (veza sa ciljevima iz strateškog okvira)	Program u DOB-u (Upisati broj i naziv programa)	Partneri (institucije sa kojima sud zajedno učestvuje u realizaciji strateškog cilja)
Unaprijediti dostupnost informacija o radu suda stručnoj i široj javnosti	Strategija reforme sektora pravde		
Pokazatelji za krajnje rezultate	Očekivani rezultati po godinama		
	2021	2022	2023
Broj objava na web stranici suda	Povećati 15% u odnosu na prethodni period	Povećati 15% u odnosu na prethodni period	Povećati 15% u odnosu na prethodni period

Naziv strateškog cilja (maksimalno 3-5 strateških ciljeva)	Izvor (veza sa ciljevima iz strateškog okvira)	Program u DOB-u (Upisati broj i naziv programa)	Partneri (institucije sa kojima sud zajedno učestvuje u realizaciji strateškog cilja)
Objavljeni svi statistički podaci o radu suda	100%	100%	100%

*Tabela se izrađuje za svaki strateški cilj posebno

Naziv strateškog cilja (maksimalno 3-5 strateških ciljeva)	Izvor (veza sa ciljevima iz strateškog okvira)	Program u DOB-u (Upisati broj i naziv programa)	Partneri (institucije sa kojima sud zajedno učestvuje u realizaciji strateškog cilja)
Povećati stručnost i efikasnost u radu suda			Centri za edukaciju sudija i tužilaca
Pokazatelji za krajnje rezultate	Očekivani rezultati po godinama		
	2021	2022	2023
Broj edukacija za sudije	4	5	6

*Tabela se izrađuje za svaki strateški cilj posebno

C. Trogodišnji ciljevi i aktivnosti po strateškim ciljevima

Strateški cilj 1		Unaprijediti efikasnost suda		
Trogodišnji cilj 1.1.		Skraćivanje dužine trajanja postupka u drugostepenim referatima		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Prosječna dužina trajanja drugostepenih parničnih predmeta u sudu		90 dana	90 dana	75 dana
Redni broj	Naziv aktivnosti za 2021. godinu	Rok izvršenja (po kvartalima u 2021. godini)	Nosilac (najmanji organizacioni dio)	
1.	Dosljedna primjena Pravilnika o vremenskim okvirima za postupanje po predmetima i odredbi ZPP-a	I-IV	Građansko odjeljenje	

Strateški cilj 1		Unaprijediti efikasnost suda		
Trogodišnji cilj 1.2.		Smanjiti broj neriješenih predmeta na upravnom referatu		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Broj neriješenih predmeta na upravnom referatu		70 predmeta	60 predmeta	50 predmeta
Redni broj	Naziv aktivnosti za 2021. godinu	Rok izvršenja (po kvartalima u 2021. godini)	Nosilac (najmanji organizacioni dio)	
1.	Kontrola poštivanja Pravilnika o vremenskim okvirima za postupanje po predmetima	I-IV	Predsjednik suda	
2.	Analizirati mogućnost presigniranja predmeta u slučaju većeg priliva	I-IV	Predsjednik suda	

Strateški cilj 1		Unaprijediti efikasnost suda		
Trogodišnji cilj 1.3.		<i>Smanjiti broj neriješenih predmeta ratnih zločina</i>		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Broj neriješenih predmeta ratnih zločina		Riješiti 2 predmeta	Riješiti 3 predmeta	Riješiti sve predmete ratnih zločina zaprimljenih prethodnih godina
Redni broj	Naziv aktivnosti za 2021. godinu	Rok izvršenja (po kvartalima u 2021. godini)	Nosilac (najmanji organizacioni dio)	
1.	Angažovanje tima IPA 2019.	I-IV	Krivično odjeljenje	
2.	Aktivno održavanje statusnih konferencija i rad sudija po predmetima RZ	I-IV	Krivično odjeljenje	

Strateški cilj 2		Unaprijediti dostupnost informacija o radu suda stručnoj i široj javnosti		
Trogodišnji cilj 1.1.		<i>Uspostaviti redovnu praksu informisanja javnosti o ulozi i radu Okružnog suda u Trebinju</i>		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Broj objava na web stranici suda		Povećati 15% u odnosu na prethodni period	Povećati 15% u odnosu na prethodni period	Povećati 15% u odnosu na prethodni period
Redni broj	Naziv aktivnosti za 2021. godinu	Rok izvršenja (po kvartalima u 2021. godini)	Nosilac (najmanji organizacioni dio)	
1.	Kontrola WEB uredništva	I-IV	IKT i službenik za informisanje	
2.	Kontinuirana objava saopštenja za javnost	I-IV	IKT i službenik za informisanje	

Strateški cilj 2		<i>Unaprijediti dostupnost informacija o radu suda stručnoj i široj javnosti</i>		
Trogodišnji cilj 1.2.		<i>Redovno objavljivati statističke podatke o rezultatima rada suda na web stranici</i>		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Objavljeni svi statistički podaci o radu suda		100%	100%	100%
Redni broj	Naziv aktivnosti za 2021. godinu	Rok izvršenja (po kvartalima u 2021. godini)		Nosilac (najmanji organizacioni dio)
1.	Objava statističkih podataka	I-IV		IKT i službenik za informisanje

Strateški cilj 3		<i>Povećati stručnost i efikasnost u radu suda</i>		
Trogodišnji cilj 1.1.		<i>Osigurati potporu i pomoć Centrima za edukaciju sudija i tužilaca u planiranju programa edukacije i radu</i>		
Pokazatelji za izlazne rezultate		Očekivani rezultati po godinama		
		2021 (n)	2022 (n+1)	2023 (n+2)
Povećati stručnost i efikasnost u radu suda		4	5	6
Redni broj	Naziv aktivnosti za 2021. godinu	Rok izvršenja (po kvartalima u 2021. godini)		Nosilac (najmanji organizacioni dio)
1.	Izraditi knjigu evidencija za stručno usavršavanje sudija	I-IV		Sudska uprava

D. Godišnji plan rješavanja sudskih predmeta

Plan rješavanja predmeta u sudovima se izrađuje u skladu sa važećim Uputstvom za izradu planova rješavanja predmeta usvojenog od strane VSTV-a. Plan se izrađuje i dostavlja VSTV-u BiH na početku godine za prvostepene predmete, a kvartalno za drugostepene postupke.